

## Te Deum

Aotrou Sant Pêr, porzhier an Neñv, Aotrou  
sant Mikael, mignon Dou-e.

- Aotrou Sant Pêr, porzhier an Neñv,  
Aotrou Sant Mikael, mignon Doue

Aotrou Sant Mikael, chomet aze,  
Me 'c'h a betek ma mab d'an Neñv,

Me 'c'h a betek ma mab d'an Neñv  
Da glevet gantañ e doare.

- Bonjour, ma mab, a diabell.

- Bonjour, ma mamm, Gwerc'hez santel !

Bonjour, ma mamm, gwerc'hez a c'hras,  
Petore keloù 'zo ganac'h ?

- Da c'houl pardon wit ar bec'herien  
Dal ma raint gwir binijenn,

Gant ur gwir gontreksion  
Ha soñj Jezuz en o c'halon.

- Pensaos, ma mamm, o fardonñ,  
Soñjit en ofañsoù o deus graet din.

Sellet, ma mamm, ha sellet c'hoazh,  
Ouzh ma goulioù 'zo en noazh,

Sellet ma mamm, dimeus ma goulioù  
'Zo bet graet gant o fec'hejoù.

Pere 'deus graet gant o fec'hejoù :  
Mont a raint en tan war o genoù.

- N'hoc'h eus ket soñj mat, ma mab,  
Pa oan-me ouzh ho tougen dre ar bed,  
C'hwi ho poa din-me prometet

C'hwi ho poa din-me prometet  
A netra ne vijen refuzet,

Bremañ, ma mab, e refuzet a-greñ  
Ar bardon 'wit' ar bec'herien :

Ma mab, roet d'è ar pardon  
Ha gant ur gwir gontreksion,

Ha gant ur gwir gontreksion  
Ha soñj Jezuz en o c'halon.

- O geo, ma mamm, me o fardono,  
Met ret 'vo d'è ober pinijenn garo.

Pa oa Mari en hent o vonet  
'Deus rankontret an droukspered :

- Pella duze, tra milliget,  
Gant an diaouled, da gonsorted.

- N'hellan kousket na de na noz  
Hag ec'h è c'hwi Mari 'zo kaoz,

Pot laoskel ar pec'her 'n e roll  
Ewit nac'h ey ar bed da goll.

Sanktus, Sanktus, Sanktus !

Bet kanet gant Soaz an Heweder,  
intañvez Poullen, ganet d'an 13 a viz  
ebrel 1867, e Kervaria-Sular, hag ivez  
gant Anna Mari Gov, eus Ploubêr?  
Miz gouere 1952.

Sell. ouzh Soniou an Uhel, levrenn 2,  
p. 332, a ro un destenn diglok, mesket  
gant ul lodenn gentañ disheñvel he  
darvez.

Soaz an Heweder a arve kement-mañ  
An Te Deum e brezhoneg. An ton a veze  
kanet ganti gant frankiz awalc'h.

